

# LIJE'E SAN PABLO LINIĒ'EPA FILEMÓN

<sup>1</sup>Iya' ninPablo, iya' i'huexi Jesucristo, ałfi'ecompa acadena catejma'. Illanc', iya' y łapima Timoteo, alini'ehuo' umFilemón, ima' ałpima. Ima' jouc'a illanc' ał'eyi lipenic' Jesucristo. <sup>2</sup>Jouc'a alini'ehuo' ima' małpima caca'no' Apia. Ma 'anuli alini'ehuo' ima' małpima Arquipo. Illanc' jouc'a ima' um'Arquipo lihuejyi Jesucristo. Iłque ałcuxenga' to całCapitán. Jouc'a lini'ela' lapimaye nafałyomma lomejutł umFilemón. <sup>3</sup>ŁanDios całAilli' y łapPoujna Jesucristo titoc'itsolhuo', tipac'e'etsolhuo' lołpicuejma'.

<sup>4-6</sup>Ałminno: "Filemón ma' al ĩnca ti'huaiyinge łapPoujna Jesucristo, ti'ela' capic'a lapimaye, iłne jouc'a i'huexi ŁanDios". Tołiya ma capalaic'o ŁanDios, iłque ainenDios, cax'najtsi'i, ca'nujuaishuo' ima' umFilemón. Cami ŁanDios: "Cax'najtsi'ihuo', Filemón timujyoxi ti'huaiyinge Jesucristo. Titoc'ila' lipimaye. Mi'ay tołta'a łapima limetsaico'me xonca acujajmaica jahuay al c'a lalapi'imponga'. Tołta'a tixinim'me acueca' łapPoujna Jesucristo, tixinim'me ac'a lo'epa iłque."

<sup>7</sup>Maipima Filemón, iya' camihuo': Ałcuejpá lof'epa ima'. Tołiya illanc'

ixocumma calata. Alu'imponga' ima' to'ela' capic'a lixanuc' ŁanDios, micuaita lomejutł, tapenufila'. Iłniya tunxac'eyi, tuyalainayi tixoxi quileta.

<sup>8</sup>Itsiya caxa'huehuo' to'ela' xonca. Łınca Cristo lapi'ipa laimane, nipajnya cacuxe'mo', itsiya aicacuxeyaco', ma le'a caxa'huehuo' to'ela' to laifmiyaco'.

<sup>9</sup>Iya' ninPablo joupa ałtojpá xans, ałfi'ecompa acadena catejma', iya' i'huexi Jesucristo. Ja'ni ima' ał'ay capic'a, to'ela' ma to laifxa'huepo'.

<sup>10</sup>Caxa'huehuo' tapenufnała' iłca'a łai'hua Onésimo. Ma całfi'iya fa'a, aipalaic'ocopa łapPoujna Jesucristo. Tołiya i'ipa ats'e lipepajnya iłca'a Onésimo, cacua: "Iłque ai'hua".

<sup>11</sup>Li'ipa, iłca'a aiqui'ic' quitoc'ihuo'. Itsiya ĩnca ipaicopa. Iya' ałtoc'i. Ima' jouc'a titoc'ito' jilpiya. <sup>12</sup>Itsiya cummenghua, ticuainatsi pe lofpa'a. Iłca'a łai'fnummenapa ti'onłcospa to łainunxajma'. Tapenufnała'.

<sup>13</sup>Iya' cuya'e' Lataiqui', iłe loya'apa al c'a lixpice'epa ŁanDios. Tołiya ał'nołcompa, ałfi'enno. Ima' aimi'iya mocuaiya małtoc'iya. Iya' nipajnya canes'ma: Tipanenni Onésimo, ałtoc'i'ma. <sup>14</sup>Iya' a'i tołta'a caicuac'. Iya' caituca' aicaxpic'e tołta'a laif'eya. Ma' ima' toxpic'e'ma,

aicacuxe'ehuo'. Toxpice'eta' ima' conFilemón. Iya' aimi'iya cacuxe'eyaco' to'eta' iŕe al c'a. Ima' cotuca' toxpice'ma lof'eya. <sup>15</sup>Tama oque' afane' quitine ima' ejaç' yopa lomane Onésimo, iya' cacua toŕta'a ixpic'epa ŁanDios. Itsiya tipainahuo. Ticuainatsi jilpe, ima' tapenufnaŕa' nulemma. <sup>16</sup>Tapenufnaŕa'. Itsiya a'i ma le'a comozo, iŕca'a opima. To'eta' capic'a juaiconapa. Iya' linca ca'ay capic'a. Ima' opoujna, xonca to'eta' capic'a. Imanc' unc'oquexi' itsiya ma' anuli łoŕPoujna.

<sup>17</sup>Iya' camihuo': Ja'ni ma' aŕinca ima' aŕejmalepá, ja'ni ima' alimetsaijma anuli łoŕpicuejma', ma to malapenufi iya' toŕe tapenufnaŕa' Onésimo.

<sup>18</sup>Ja'ni inantsejpo' o itaiyinc'ehuo', tapuŕijnla', tainiŕta', tonesla': "ŕta'a, Pablo aŕtaiyinc'e". <sup>19</sup>Iya' caituca' quiniŕi: "Iya' ninPablo ca'najtse'ena'mo'". Ima' aŕtaiyinc'e lomuljçopa lopitine, iŕe al ts'e lopitine lepi'ipo' ŁanDios. Aicamiyaco' aŕnajtse'eta' iŕe lopitine.

Linca aimi'iya ma'najtse'eya. Ma le'a caxa'huehuo': Tapenufnaŕa' Onésimo.

<sup>20</sup>Maipima Filemón, aimocuanaj'moxi. Ninc'oquexi' aŕhuaiyijnji Jesucristo. To'nujuaisla' la'e'eponga' łoŕPoujna. Toŕta'a to'e'ma ma to laifxa'huepo'. Tijouŕa' aicaxhueŕconaya.

<sup>21</sup>Iya' ca'huaiyijnhuo' juaiconapa. Cacua: "Łaipima Filemón lihuejco'ma, ti'e'ma to laimipa. Ti'e'ma xonca." Toŕiya iya' quiniŕ'ehuo'. <sup>22</sup>Jouc'a camihuo', caxa'huehuo': Lapi'ita laifpanc'eya. Aixina' imanc' toŕsa'hueyi ŁanDios aŕtoc'ila'. Toŕiya cacua: ŁanDios lux'masna'ma. Lapi'i'ma lane cacuaitsi pe loŕmana'.

<sup>23</sup>Tinonghuo' Epafras, iŕque iya' aŕtats'eninga' anuli, lihuejyi anuli Jesucristo. <sup>24</sup>Jouc'a tinonghuo' Marcos, Aristarco, Demas y Lucas. Aŕeyi anuli lipenic' łoŕPoujna Jesucristo.

<sup>25</sup>Jesucristo titoc'itsolhuo', tipaxnetsolhuo' loŕpicuejma'.